

34, 329
W 404
Q. D. B. V.

DISSERTATIO INAUGVRALIS MEDICA BOTANICA
QVA DE

R V T A
EIVSDEMQUE
VIRTVTIBVS

PRAESIDE

DOMINO

ABRAHAMO VATERO

MED DOCTORE ET ANATOMES AC BOTANI-
CES PROFESSORE PVBLICO ORDINARIO
EIVSDEMQUE FACVLTATIS MEDICAE
H. T. DECANO

AD DIEM XIII. AVGVST. MDCCXXXV

PRO LICENTIA

SVMMOS IN MEDICINA HONORES CONSEQVENDI
IN AVDITORIO MAIORI

HORIS ANTE ET POST MERIDIEM CONSVETIS
PVBLICE DISSERET

AVCTOR ET RESPONDENS

IOHANNES ADOLPHVS KETTNERVS

VVITTEB. SAX.

VITEMBERGAE,

PRELO VIDVAE KOBERSTEINIANAE.

LXIII.

DISSECTATIO IN ANATOMIA MEDICINAE POTANAE
OYA DE

ATVR

ELIOT



0022249

COMMOD

BRITISH MUSEUM

DOCTORE ET ANATOMIS AC BOTANICIS

ORDINARIO 031179-1902-1094 230

HYDROBONE VACUUM TREATING

OR. 330 T. 11

THE UNIVERSITY OF CHICAGO

ROYAL

SAVINGS IN THE CONSTRUCTION OF THE

1707-1708

STATIONED JANUARY 1901 TO 1902 APPROX

1952-53 35 11 1974

MEMORANDUM FOR THE RECORD

СЪВЕЩАНИЕТО ЗАКЛУЧАВА

EX 2 DETTIVV

THE NEW JOURNAL

THE UNIVERSITY OF CHICAGO

PER ILLVSTRI

AC

EXCELLENTISSIMO NOBILI

DOMINO

IO. GODOFREDO
DE BERGER

POTENTISSIMI POLONIARVM
REGIS ET ELECTORIS
SAXONIAE

CONSILIARIO AVLICO ET ARCHIATRO
FACVLTATIS MEDICAE IN ACADE-
MIA VITEMBERGENSI

THERAPEVTICES PROFESSORI PVBLICO
EIDEMQVE

PRIMARIO ATQVE TOTIVS ACADE-
MICAЕ SENIORI

PER ILLUSTRI

- AD -

EXCELLENTISSIMO NOBILI

D O M I N O

IO. GODOFREDO

DE BERGER

POTENTISSIMO POLONIAM

REGIS ET ELECTORIS

MAIORIS

PRINCIPIS ATQUE DUCIS

PAVIAE VICE IN ACADE

MYA ET NUBERGA

PRINCIPIS ATQUE DUCIS

PRINCIPIS

PRINCIPIS ATQUE DUCIS

PRINCIPIS

NEC NON

EXCELLENTISSIMO AC
EXPERIENTISSIMO

DOMINO

ABRAHAMO
VATERO

FACULTATIS MEDICAE IN ACA-
DEMIA VITEMBERGENSI

ANATOMES ET BOTANICES PROFESSORI

PUBLICO EIVSDEMQUE H. T.

DECANO

1704

EXCELLENTISSIMO

EXPERIENTISSIMO

DOMINO

ABRAHAMO

WATSON

ACADEMIAE MEDICAE IN ACADEMIA

DEI AULAE MEDICAE IN ACADEMIA

ACADEMIAE MEDICAE IN ACADEMIA

ACADEMIAE MEDICAE IN ACADEMIA

DEI AULAE

ET
MAGNIFICO AC AMPLISSIMO
DOMINO
MART. GOTTHELFF
LOESCHERO
IN ACADEMIA VITEMBERGENSI
MED. ET PHILOS. PROFESS. PVBLICO
PATRONIS
ET
PRAECEPTORIBVS
SVIS

AD CINERES VSQVE DEVENERANDIS

HOC SPECIMEN INAUGVRALE
CONSECRAT

IOANNES ADOLPHVS KETTNERVS

MAGNIFICO V. G. AMPLISSIMO

DOMINO

MART. GOTTFRIED

LORENZ

IN ACADEMIA VITENBERGENSI

MDCCCXXXIII

PAULUS

FRANCIS

AD QUAERENDUM

IN ACADEMIA

IN ACADEMIA



DISSERTATIO SOLENNIS
MEDICA BOTANICA.

DE

R V T A

EIVSDEMQUE

V I R T V T I B V S

I.



legantia, utilitas, necessitas atque
potentia Plantarum, potissimum
in arte medendi, adeo mihi nota
esse uidetur, ut mea commemo-
ratione non opus habeat, quo-
niam in omnes fere sensus exter-
nos incurrit. Namque artificiosissima structura, et
dispositione partium, uiuidioribus coloribus, iisdem-

A 2

que

que mirifice uariantibus oculos recreant, odoris amoenitate et gratia nares afficiunt, et saporis suauitate delectationeque linguam demulcent, sonum suauissimum in instrumentis Musicis producentes, aures molliter tractant, ipsamque mentem hilarem reddunt, atque peculiari et amoenissimo contactu, praecipue florum, e. g. rosarum, quibus quosdam loco stragulorum et lecti usos fuisse compertum est, sensum quoque tactus in uoluptatem quandam uix explicabilem abripiunt. De necessitate pariter, ac utilitate, in Arte Chymica, Pharmaceutica, Medendi et Oeconomica, iis satis superque constat, qui has artes colunt, atque exinde fructus amplissimos percipiunt.

Potentiam tamen ipsarum plantarum, praecipue in Medicina nunquam satis laudandam, *Speciminis Inauguralis*, quod mihi in praesenti edendum incumbit, loco, exemplo *Rutae* demonstrare in animum induxi, et ab initio Diuinum Numen deuotissime precor, annuat meis conatibus ex alto quam clementissime, eisdemque ad finem scopumque exoptatum perducatur.

II.

Ruta, de qua agere apud animum constitui, licet herba sit etiam in uulgo nota, et in Arte Salutaris decantatissima, tamen eius delineationem hic iuxta Methodum recentiorum Botanicorum suppeditare, operae pretium fore arbitror. Est igitur Ruta herba, gaudens flore tetrapetalo, foliis luteis in orbem positis, et, ut cum *Tournefortio* loquar, rosaceo, foliis irregularibus laciniatis, ex cuius calyce surgit pistillum, quod deinde abit in fructum subrotundum, ut plurimum tetragonum, ex quatuor saepe capsulis, axi affixis, compositum, semine paruo, recuruo, reniformi, uel lunam dimidiatam referente, nigro communiter, interdum glauco.

III.

Vnde uero Ruta nomen acceperit, et an uocabulum graecum, an potius latinum sit, auctores inter se non conueniunt. *Caspar Baubinus Theatro Botanico* p. 235. existimat, Rutam forte dictam esse a graeco *ρύτη*, atque citat antiquum Scriptorem *Iolaum de Rebus Peloponesiacis* scribentem, *πέγδρον* in Peloponneso *ρύτην* uocari. Consentientem etiam habet MAR-

CELLVM VERGILIVM, Secretarium Florentinum, interpretem *Dioscoridis* de Materia Medica p. 367. ex quo fortassis *Baubinus* suam opinionem depromsit. Verba *Vergilii* ita sonant: Meminimus, id agentes, cum *Dioscorides* rhytem ab aliquibus uocari rutam, *Nicandrum Poetam* et Peloponenses incolas indicari. Siquidem *Iolans*, antiquissimus Graecorum Scriptor, et cuius nomen nunc tantum auditur, ut testati alii sunt, in Peloponnesiacis suis retulit: quam tota Graecia Peganon vocabat, Peloponnesum rhytem appellare. Ex his manifestum est, ab aliquibus Graecis $\rho\acute{\upsilon}\tau\eta$ dictam fuisse. Nec dubitandum alicui, a Peloponnesiorum rhyte, latinos rutam suam fecisse. Frequens enim graecae literae υ in latinam u mutatio est, quoties seruatis caeteris, transferendum a Graecis ad Latinos aliquid est. Contrariam uero opinionem huic fouere non dubitat *Henricus Stephanus*, Linguae Graecae peritissimus *Thesauro graecae linguae* Indice Part. II. p. 12. ita quippe ibidem loquitur: $\rho\acute{\upsilon}\tau\eta$, Ruta, ex quo latino factum putatur illud graecum. Huic adstipulatur *Christophorus Cellarius* *Thesauro eruditionis scholasticae*, existimans, rutam, herbam notissimam dictam, quod propter multiplices, quos de se praebe-

at usus, maxime eruatur. Quo loco ex *Ambrosii Calepini Dictionario Septem Linguarum* annotare uolui, uocabulum *Ruta*, *Rutorum*, de quo affert sequentia: *Ruta*, *orum*, apud Iureconsultos quasi *eruta* dicuntur: ut *arena*, *creta* et his similia, nondum in opus conuersa iuxta *Festum*. *Ruta* caesa dicuntur, quae venditor possessionis, sui usus gratia conciderat, eruendaque contraxerat, secundum *Ulpianum*.

IV.

Species porro *Rutae* dantur variae, quarum quaedam sunt genuinae, quaedam uero ad alias plantarum species sunt referendae. Notabiliore species sunt sequentes, et quidem *Tabernae montanus* recenset earum quatuordecim:

1) <i>Rutam montanam</i> ,	1) <i>Berg Raute</i>
2) <i>Rutam montanam syluestrem</i> ,	2) <i>Kleine Berg Raute</i>
3) <i>Harmalam</i> ,	3) <i>Hermel Raute</i>
4) <i>Rutam caprariam</i> ,	4) <i>Geyß Raute</i>
5) <i>Rutam bacciferam</i> ,	5) <i>Beer Raute</i>
6) <i>Rutam caninam</i> ,	6) <i>Hunds Raute</i>
	6. <i>Ru-</i>

7) Rutam lunariam,	7) Mond Raute
8) Rutam Pratensem maiolem primam,	8) Groß Wiesen Raute die erste
9) Rutam Pratensem maiolem secundam,	9) Groß Wiesen Raute die andere
10) Rutam Pratensem maiolem tertiam,	10) Groß Wiesen Raute die dritte
11) Rutam Pratensem minorem,	11) Klein Wiesen Raute
12) Rutam syluestrem hypericoidem, quae potius species Hyperici est.	12) Cunrads Kraut eine Species Hyperici
13) Ruta latifolia,	13) Wein Raute die gröf- fere
14) Ruta tenuifolia.	14) Wein Raute die kleine und edle.

Tournefortius, recentior Botanicus, habet Rutae species, quae sequuntur:

- 1) Ruta Hortensis, latifolia, ruta satiua uel hortensis.
- 2) Ruta graueolens hortensis,
- 3) Ruta hortensis, latifolia, arbusculae similis
- 4) Ruta

- 4) Ruta hortensis altera, Ruta tenuifolia,
- 5) Ruta sylvestris maior, Ruta sylvestris graecolens,
- 6) Ruta sylvestris, minor, Ruta sylvestris minima,
- 7) Ruta Chalapensis, latifolia, florum petalis villis scatentibus,
- 8) Ruta Chalapensis tenuifolia, florum petalis villis scatentibus,
- 9) Ruta montana, spinosa, Coriandri folio, flore albo,
- 10) Ruta sylvestris, linifolia, Hispanica,

Quidam etiam commemorant Rutam Murariam, die Mauer Raute, quae tamen inconuenienter, quoniam cum ruta, praeter colorem foliorum rutaceum, nihil commune habet. Nam Ruta, uti ex conspectu facile apparet, est flos regularis, tetrapetalos, eidemque semen latens intra pericarpium quadricapsulare. Muraria uero, quae uulgo ita appellatur, granulares suos flosculos, in auersa gestat foliorum parte, ubi et capsulae reperiuntur, membranaceae, sphaericae, annulo, vi elastica donato, munitae, quae huius contractione rumpentes, semina

B

minu.

minutissima fundunt. Elegantissime utraque herba est conspicua in Tabulis *Tournefortianis*, et quidem Tab. CCCXVII. ita, ut ex eiusdem inspectione utriusque differentia satis superque pateat. Si quaeritur, quaenam ex his speciebus in Medicina sit usualis, respondemus ex IOHANNE SCHROEDERO: Ornat officinas hortensis utraque, e quibus vulgarior quidem est latifolia, eaque maior, coesque coloris; praestantior vero tenuifolia minor et nigricantior, quam *Tabernaemontanus*, Wein Raute die fleine und edle supra appellavit. Haec hortensis vulgo Raute, Wein Raute, diligenti cultura potest arborescere, qualem vidit et commemorat citatus auctor in sua PHARMACOPOEA MEDICO CHYMICA p. 143. uti l. c. discimus. Antiquus Philosophus PYTHAGORAS rutam hortensem tenuifoliam minorem, die fleine Wein Raute, Marem et latifoliam maiorem, foeminam vocavit. Idem TABERNAEMONTANVS ex FLAVII IOSEPHI *Historia Iudaica* refert, quod tempore Herodis Arbor rutacea instar arboris ficus magna fuerit observata.

V.

Antequam ad virtutes nostrae rutae progredimur, et medicamenta, quae ex eadem praeparantur, forsitan operae erit pretium, quasdam peculiare ob-
servaciones de eadem in Medicina proferre. Obser-
vant enim Botanici, quod si ruta, ubi in hortis fieri
solet, prope Saluiam ponatur, illam bufones, utpo-
te Saluiam amantes, ex ipsa fugare, porro lubenter
et melius cum arbore ficus crescit, atque gratiorem
et fragrantiorum recipit odorem. Circa ipsam ru-
tam bufones non observantur, uti perhibent *Colle-
ctores der Breslauer Sammlungen* Anno 1721. Mense
Augusti p. 171. Deinde observant cum *Tabernaemon-
tano*, quod si foemina fluxu mensium laborans ru-
tam attingat, aut ad eandem tantummodo propius
accedat, illa perit. Et quoniam simile contingere vul-
go asseritur, si tales foeminae cellam vinariam, in qua
quaedam vini copia in doliis asseruatur, vel metallica
laboratoria, in quibus metallis in fusione constitutis,
campanae et tormenta bellica elaborantur, intrat,
introitus ille et uinum corrumpit, et metalla ad fusi-
onem inepta reddit: exinde poterit aliquis deuenire

in eam opinionem ac sibi persuadere, sanguinem menstruum mulierum esse venenatum. At enim vero hic error per se corruere videtur, quia exinde sequeretur, femellas, durante mensiumfluxu, totas debere esse venenatas, quia ex illa massa sanguinis in utero secernitur, quae lege circulationis sanguinis per totum corpus circumagitur. Porro sanguis menstruus non potest esse venenatus, quia notum est, quod ex ipso nutrimentum foetus in utero praeparatur. Tandem si cultro vel ferreo vel chalybeato praeciditur, facile exarescit, docente hoc experientia istorum, qui hortos colunt, atque ipsius, quem antea excitauimus, *Tabernaemontani*, qui forsan hoc ex *Plinio*, qui idem statuit, desumfit. Cuius rei causa in fortiori acumine talium cultrorum forte est posita, tenuissima rutae uasa diserpente vehementius et vulnerante, nam hoc pacto motus succi nostrae plantae multum intercipitur. Curiositatis causa addimus, hanc plantam rutae, uti Botanici in Herbariis suis referunt, Herbam mortuorum *Todten-Kraut* vocari, quia cadavera demortuorum eius fumo tractauerunt, ob praecauendam putredinem.

VI.

Omnes itaque fere, qui de Herbis posteritati aliquid reliquerunt, in eo conueniunt, Rutae virtutes quasi esse inexplicabiles et exhaustiri non posse, effectus enim eiusdem in Medicina et admirandos et pene infinitos esse. Summitates uero eiusdem maxime in usu sunt, quippe quae sale uolatili, sulphureo, vinoso, aromatico et amaro fixo pollent, adeoque succi neruei elaterem debilitatum in integrum restituunt pariter ac conseruant, tonum fibrarum ac viscerum confortant, sanguinem repurgant, eiusdem consistentiam naturalem et ad putredinem inclinantem egregie ab omni corruptione defendunt iuxta ac praeseruant. Atque adeo in morbis chronicis, contumacissimis et malignis contagiosis, peste, epilepsia, affectibus soporosis et hystericeis, conuulsibus, gonorrhoea virulenta, ipsisque venenis et morbis venenatis summopere praedicantur. Et quis, quaeso, omnes rutae et generales et speciales enumerare potest virtutes, quoniam, uti supra innuimus, sunt innumerabiles.

VII.

Atque ea propter videbimus, quid antiquiores et recentiores Medici hac de re statuunt et annotauerunt. *Dioscorides Materia Medica Lib. III. Cap. XLVII.* de Ruta, inter alia sequentia habet notatu dignissima: Lethalibus venenis aduersatur, et pro antidoto est ruta satiua, poto acetabuli pondere cum vino eius semine. Quin etiam per se praesumpta eius folia, nec minus additis juglandibus nucibus et caricis, inefficacia venena reddunt. Profunt et contra serpentes similiter sumpta. Genituram in cibo potuque extinguit ruta: finit eadem tormina cum ficato anetho elixa potaque. Facit ad pectoris et lateris dolores, angustias spiritus, tussim, pulmonarios, coxendicis articulorumque dolores et circularium febrium cum tremore algores, ut praemonstrauimus pota. Facit ad maioris intestini, quod Colon Graeci dicunt, muliebrium locorum, longanionisque inflationes in oleo decocta, mox clystere infuso decocto illo. Trita eadem et cum melle coacta, tum a naturalibus ad sedem toto eo spatio foeminis imposita, strangulatu vuluae concidentes excitat. Ven-
tris

tris lumbricos omnes pellit decocta in oleo ruta,
mox epoto decocto illo. Contra articulorum do-
lores melle coacta emp'astri modo imponitur. Im-
ponitur et cum fico contra resoluentes se in
aquae naturam toto corpore solidas partes, quod
malum Graeci hydropem anasarca uocant. Vti-
lis ad eadem praeterea in uino ad dimidias deco-
cta: in quem usum decocto illo ualidius abluuntur:
aut id bibunt. Confert oculorum claritati ruta in cibo,
sale seruata pariter et cruda: grauesque oculorum
dolores, emplastri modo imposita cum polenta miti-
gat. Capitis doloribus cum rosaceo et aceto subuenit.
Sanguinis ex naribus eruptiones trita illisque indita
compescit. Testium inflammationibus additis lauri
foliis, emplastri modo imposita medetur. Papula-
rum eruptionibus, cum cera myrteo oleo subacta.
Sanat uirilignes albas cum uino, pipere, nitroque
confricata. Eadem cum iisdem emplastri modo
imposita, ulcera, quae thymos uocant, et formicas tol-
lit. Impetigines sanat ex melle addito alumine, im-
posita. Facit ad aurium dolores succus in malicorio
calesfactus, tum auribus instillatus. Inunguntur eo
additis foeniculi succo et melle hebetes oculi. Sanat
idem

idem sacros ignes, ulcera quos herpetas uocant, et capitis manantia ulcera, addidis aceto, cerussa et rosaceo, inunctus. Emendat ruta grauem ceparum alliorumque halitum et acrimonias, commanducata. Lethalis contra est montanae et Syluestris rutae copiosus in cibo haustus. Eadem si cum florere incoeperit ad salgama legatur, cum rubore manus exulcerat: corpusque cum prurigine et inflammatione uehementiore inflat: eam ob causam oportet praeunētis oleo facie et manibus eam carpere. Ferunt praeterea, inspersum gallinaceis syluestris rutae succum, feles ab eis arcere. Quae in Macedonia ad Olcimum fluuium nascitur syluestris ruta, mortem in cibo facere statim fertur. Veruntamen montanus locus est, et uiperis abundat. Bibitur semen eius ad interaneorum uitia, et antidotis utiliter miscetur. Datur et contra urinae incontinentiam bibendum, confrixum agrestis rutae semen: finieturque post septimum diem malum. Vocatur agrestis rutae radix montanum moly. Similis satiuae agrestis ruta est: bibiturque utiliter comitialibus et in dolore coxendicis. Menses eadem cit, et foetus in utero necat. Asperior quam satiua et efficacior syluestris ruta est. Vitanda ideo in cibis:

cibis: nocet enim. *His Amatus Lusitanus Commentaria in Dioscoridem Lib. III. p. 310. Venetiis edito, sequentia addit: Potens ruta est contra uenena ut ex Plinio elicetur Lib. IIX. Hist. Natural. Cap. XIX. inuerso modo hoc citatur, nam in Plinio agitur Lib. XIX. Cap. IIX. et ualida contra fascinationes, ut ab Aristotele Libro Problematum desumitur. Itaque neque Plinii opinionem, quod a furto accepta sit fertilior, neque Aristotelis ipsa uerba, utpote proluxiora, breuitatis studiosus, hic afferre, quod facile possem, in animo habeo. Cui placet, potest ipsos euoluere auctores, et ex Amato citato simul nomina rutae Graeca, Hispanica, Gallica, Italica depromere.*

IIX.

Ex paulo recentioribus *Rembertus Dodonaeus Historia Stirpium rutae uirtutes cum depraedicat, iis, quae haecenus recensui, multa Experimenta equidem curiosa, attamen nimis proluxa addit, quae ibidem leget ac inueniet curiositatis studiosus. Mitto Baubinum, Chabraeum, Pancovium, Francum de Franckenau et alios satis notos Botánicos, de industria, qui illi, quae Plinius, Dioscorides et Tabernaemontanus habent, fere
C tantum*

tantum repetunt. Vnicum adhuc addo *Paulum Herman-*
num, qui in *Cynosura Materiae Medicae* ita scite et ele-
ganter de Ruta scribit: Ruta vim aromaticam pene-
trantem et spirituofam obtinet, cui quoque Salia fixa
sunt associata unde in morbis chronicis, contuma cis-
simis et malignis indubitatum promittit effectum.
Prae caeteris laudatur in peste, uariolis, morbillis,
epilepsia, passione hysterica et affectibus soporosis.
Confert quoque in gonorrhoea, satyriasi et priapi-
smo. Externe gangraenae et sphacelo succurrit.
Vis concentrata consistit in capsulis seminalibus, et
paulo post tres efficacissimas, beneficio rutae tradit
medicandi rationes:

Rec. Rutae

Sabinae

Abrotani ana Mi.

coqu. cum cerevisia et cape cum tinctura castorei uel
croci, contra omnes obstructions uteri.

Rec. Capsal. seminal. rutae q. v.

affunde aquam propriam spirituofam f. essentia, ex-
hibe in morbis malignis cum camphora uel spiritu
uini camphorato et theriaca.

Rec.

Rec. Rutae

affunde aceti q. v. cape tempore pestis pro praeservatione, adde rad. Zedoariae, Camphor. Ratione usus externi cum Paulo Hermanno, *Hermannus Boerhave* consentit, et in *Materia Medica* tale fomentum contra gangraenam ordinat:

Rec. Fol. recent. rutae Miv.

Maluae Mij.

Alliariae Mj.

Farinae lini ʒj.

Cum aqua decoct. uase clauso ℥iv. admisce Sapon. Venet. ʒij. F. Fomentum.

Ita noui, sola ruta cum uino decocta, sugillationes et contusiones felicissime fuisse curatas.

XI.

Propero ad remedia ex ruta in Pharmacopoliis prostantia, nempe occurrit ibidem 1.) Aqua stillatitia ex Plantarum cauliculis Mense Maji collectis. Huic aquae efficacissimas uires in morbis oculorum adscribit *Adamus Lonicerus* uideatur eiusdem *Kräuter Buch* p. 202. quem quamplurimi Botanici sequuntur, nec immerito, quia experientia quotidiana hoc confirmat. Contra Cancrum etiam aquam rutae esse insignioris uirtutis, ipse uidi in foemina, quae miser-

rimo hoc malo laborabat et ab Chirurgis deferrebat, quae applicata hac aqua conualuit, et adhuc bene uitam agit. Cum hac aqua 2.) oleum rutae destillatum praeparatur, id quod praeter alias uires, maxime uirtute antepileptica, in infantibus inprimis, praesentaneum auxilium praestante, pollet. Hanc enim quoque obseruauimus adstans, in infante grauiissima epileptica, quae unica die multis uicibus repetebat, nihilo tamen fecius aliquot guttulis olei rutae propinatis statim cessabat. 3.) oleum infusum optime discutiens. 4.) acetum rutaceum bezoardicum, et in affectibus soporosis proficuum. 5.) Balsamum rutae ex eiusdem oleo, potentissimum in Apoplexia et Epilepsia remedium. Compositiones medicamentorum, quas ruta ingreditur, quae bene multae sunt, lubens praetereo.

X.

Ad extremum silentio praeterire minime possum, quo pacto ruta in diaeta, cibo potuique admista, et medicum et oeconomicum praestet usum. Namque refert antea laudatus *Amatus Lusitanus*, Italos rutam cum aliis herbis, ex quibus acetaria conficiuntur, magna cum delectatione, magnoque cum
com

commodo sanitatis comedere, nec immerito et absque ratione, quia ruta amaritudine sua uinosa et stomacho grata est, et confortat. Atque si adhuc *Tabernaemontano* fides est habenda, sculptores imaginum hac herba inter cibos utuntur, tanquam Medicina praeferuatoria, contra uarios morbos, quibus sunt obnoxii. Vfus eius cum pane butyrato magis innotuit, quam ut mea ulteriori commemoratione indigeat, laudatur tamen etiam summopere a *Thoma Bianconio* qui eandem oculos egregie confortare asseuerare non dubitat, et hoc modo usitato, contra quamplurimos morbos, et in specie falacitatem nimiam, pollutiones nocturnas et insomnia uenerica commendat. Quomodo in potu sit proficua, docet Auctor Scholae Salernitanae sequenti uersiculo:

Saluia cum ruta faciunt tibi pocula tuta.

Atque haec sunt, quae de nunquam satis laudanda herba Rutae, festinante calamo conscripsi quae omnia, ut Beneuolus Lector in bonam partem accipiat, enixe rogo.

S. D. G.



